

北京舊志彙刊

〔萬曆〕
順天府志

〔萬曆〕順天府志

卷之五 下

羅希范

杜文明

王治

馬維騏

王朝遠

李梅

金官

方文光

劉秉和

俱平谷縣人。

功烈

夫賢士殉功，烈士殉名，所從來長遠矣。是故蓋臣矢心於石畫，志士碎首於疆場。矯國厲俗，拔城陷陣，垂勛業於旗常，流景耀於春秋。以彼其行誠與日月爭光，天壤俱敝也。使九原可作，吾願爲之執鞭，所忻慕焉。

周

左伯桃、羊角哀，入楚，道遇雪乏食，桃以糧遺哀而自餓死。哀後仕楚，至上大夫。告於王，乃禮葬桃。

郭隗，燕昭王欲致天下士，隗進曰：「王必欲致士，先從隗始。況賢於隗者，豈遠千里哉！」昭王築宮師事之，士爭趨燕。

樂毅，其先樂羊爲魏將，伐中山，封靈壽。羊死，子孫因家焉。趙武靈王滅中山，樂氏歸趙。至樂毅生而好兵，聞燕昭王禮郭隗，於是爲魏使於燕。昭王拜爲上將軍，率五國兵伐齊，盡得齊

地祭器輸之燕。

燕又得鄒衍、劇辛。鄒衍，梁人。有大志，知名諸侯。燕昭王思賢士，共國以報齊怨，乃與趙人劇辛之燕。昭王築碣石宮，師事之，卒致殷富。破齊師，二士之力也。夫昭王好士，郭隗教之，五年之內，燕國以霸。語云「得士者昌」，豈虛語哉？

秦

蔡澤，燕人。唐舉相曰：「先生曷鼻，巨肩，魑顏，蹙齧，膝攣，聖人不相，殆先生乎？」澤

「注一」擢延壽諫
議、淮陽守，後遷左
馮翊 班固《漢
書》卷七十六《韓
延壽傳》載：擢
諫議大夫，遷淮陽
守，徙潁川，又徙東
郡，入守左馮翊。

如舉戲也，問壽，舉曰：「從今四十三歲。」澤

曰：「吾持梁刺齒肥，躍馬疾驅，懷黃金之印，

結紫綬於腰，揖讓人主之前，富貴四十二年足
矣。」遂入秦。扼范雎之吭而奪相位。

田光，燕太子丹欲修秦怨，以問傅鞠武。武

曰：「燕有田光，其人可與謀。」太子曰：

「願因太傅以交田先生可乎？」

漢

韓延壽，燕人。昭帝時，父義以諫死，擢延壽諫

議、淮陽守，後遷左馮翊，〔注一〕所至令行禁止。

「注一」初爲郡吏
原本訛「郡」爲
「群」，范曄《後漢
書》卷二十二《王
梁傳》載：王梁，
「爲郡吏」。據改。

王梁，漁陽人。初爲郡吏，〔注一〕從光武拜偏將軍，以擊赤眉功，封阜城侯。

寇恂，昌平人。初爲郡功曹。光武定河內，難其守，以問鄧禹。禹薦恂有牧民才，遂拜河內守，行大將軍事，中興功多焉。

蓋延，漁陽要陽人。始歷州郡從事，所在稱職。歸光武，平河北，破劉永，擊蘇茂，討龐萌，走董憲，所向克捷。

張飛，涿人。與關羽同事昭烈帝。及當陽長坂，昭烈弃妻子遁去，飛將二十騎拒後，據水斷

橋，遂得免。飛雄壯威猛，稱萬人敵。

晉

祖逖，范陽人。慷慨有志節，與劉琨善。夜聞鳴鷄起舞，避地淮泗。元帝擢爲徐州牧，領兵渡江，誓曰：「不能清中原，有如此江！」卒定江南，拜鎮西將軍。

南北朝

劉沉，薊人。博學好古，仕至侍中。在位敦儒道，愛賢士，嘗薦隱士霍原，爲時稱重。

張華，范陽方城人。力學優博，圖緯方技之

書，莫不詳覽。以贊平吳功，封廣武侯。儀禮憲章，皆華損益。進侍中中書，盡忠匡輔。卒之日，惟文史溢篋耳。所著有《博物志》。平恒，薊人。祖視，父儒，并仕慕容爲通宦。恒耽勤讀誦，不以屢空改操。嘗撰《略注》，合百萬餘篇。徵爲中書博士、幽州別駕。廉貞寡欲，清約如寒士，一時文儒皆雅重。恒卒，贈都昌侯，謚康。

內共平鑒，燕郡薊人。祖延，魏安平太守。父勝，安州刺史。鑒少聰敏，有豪俠氣，以功累遷

襄州刺史。齊神武初，遷懷州，築城以防寇。城內井竭，鑿衣冠祝之，泉涌溢。卒，贈司空，謚曰文子。

盧辯，范陽涿州人。

〔注一〕

博通經籍，注《大戴

〔注一〕范陽涿州人。原文脫「人」，不文。據《周書》卷二四《盧辯傳》補。

禮》。遷太子少保。朝廷憲章，辯規畫創制，悉合軌度。

鮮于世榮，漁陽人。沉敏多幹，仕北齊爲太子太傅。周武帝入代，遺以瑪瑙鍾，世榮得即碎之。周兵入鄴，諸將皆降，獨被執，不屈。

隋

慕容三藏，燕人。聰明有武略，仕廓州。州人逃逸，三藏招納撫綏。漢王諒反，抗節不從。

盧楚，范陽人。性鯁直，與元文都同心。及王世充亂，呼楚，楚曰：「社稷有難，楚知有死。」

唐

魯炅，薊人。仁至襄鄧節度使。時襄漢兵起，炅扼其衝，南夏頓以完。封岐國公。

張希崇，薊人。好學，通《左氏》。仕後唐，累官靈武節度使。在官，不喜聲色。撫士卒，招

夷落。明宗屢詔褒嘉之。

劉怦，昌平人。朱滔時，積功至雄武軍。李寶臣龍幽州，怦設方略，完守。

王思同，幽人。勇敢善騎射。時土番爲寇，秦州無障，思同設四十餘柵禦之。明宗問以邊事，思同指畫山川，陳利害甚悉。

陳利貞，范陽人。初爲平盧將，以征安祿山功，封靜戎郡王。

高崇文，幽人。憲宗時，官節度使。劉闢以蜀反，卒討平之，唐人爲之紀功。

高霞寓，幽人。以孝義聞。以擒劉闢功，拜彭州守。

趙贊，燕人。初仕周，累功授保信軍節度。盡去苛政，民便之。太宗立，封衛國公。

田重進，幽人。形質奇偉，有武力。太祖時，靖難軍節度。太宗在藩邸，使人遺酒炙，對使曰：「爲我謝王，我知有天子矣。」

李懷忠，涿州范陽人。太祖征太原，忠冒矢石，披霜露，戰功居多，進侍衛步軍。贈侍中。

張藏英，涿人。周世宗詢備邊策，英悉心算

畫，遂爲沿邊招討，邊境悉寧。

高彥暉，薊人。世宗北征，以城降。後討全師雄，彥暉力戰死之。

周

邊歸讜，幽州薊人。父退思，檀州刺史。歸讜弱冠以儒名。仕周，歷禮、刑、兵、戶侍郎。世宗聞其亮直，擢爲尚書右丞，樞密直學士。宋初，爲戶部尚書致仕。子定，雍熙初進士。

宋

趙普，薊人。事太宗朝，知無不言。當國事

草創，制度周悉，無出其右，真社稷臣也。惜乎太祖已誤之語，君子非之。

高瓊，燕人。少勇力。太宗即位，擢御龍直指揮，從征太原，平西川，贊成真宗澶淵之捷。

馬全義，薊人。年十餘歲，擊劍，善射。初事周，以功累遷殿前指揮使。後從太祖討李筠，飛矢貫臂，全義拔鏃臨敵，士氣益奮，遂克澤州。累官至江州防禦使。卒，贈檢校太保。

其子知節，以蔭補官。真宗時，爲樞密副使，遇事敢言。時王欽若爲使節，薄其爲人，每廷議，

輒面詆之。

呂端，燕人。官丞相司空，有定策功。當太宗不豫，間有異謀，端知有變，乃奉天子即位，垂簾引見群臣。人稱「端小事糊塗，大事不糊塗」。

張世傑，范陽人。宋時危急，與文天祥入衛。元逼臨安，二人合兵，背城一戰，不支。世傑奉少帝入定海，欲圖興復，颶風壞舟，君臣胥溺。

遼

韓延徽，安次人。涉獵經史。累官大學士，

政事機務，悉令裁決，爲佐命功臣。

韓知古，幽人。善謀有識量，仕至中書令。

時國初禮文疏闊，知古拔據故典，參酌國俗，人無異議。

金

閻公貞，宛平人。舉進士第，爲朝邑簿，以廉察升同知亳州防禦事，累遷翰林院侍讀學士。公貞居大理幾十年，詳審周密，未嘗有過。被命較定律令，人以爲法家祖云。

劉仲誨，宛平人。太子少師，立朝竣整，容色